

Okrog guhhong yaek samcib bi, seng'eiq canhcanh sawsaw, ndwen-ngoenz diemzdiemz soemjsoemj. Yawjraen haujlai doengzdoh ndaej dangguen, ndaej fatcaiz. Dauq yawj swheij, gag raen gvaqndaej saemxsaemx saxsax, gijmaz saeh hix guh mbouj baenz, najmong sim cix nyaep.

Biekliz ranzlaux samcib lai bi lo, byonghhwnz ciengz loq raen daxmeh dawz aen daengyouz diemj rongh.

Mbwn fuemx, youq bakdou ranzlaux naenghndwi.....

Dinmbwn, fwjndaem duj sonx duj, sonx ndaej baenz benq baenz benq; geij diuz ronghndit daj ndaw geh fwj nyeq okdaej, ciemhciemh dwk, ciemhciemh dwk, ronghndit bienq myox lo.

Haenzdah, goliux nye rangh nye,

sanjvwnz

Youh Raen Daengyouz Daxmeh Rongh Lo

又看见母亲的煤油灯亮了

□ Siz Caizyij/石才以

rangh ndaej baenz gyoij baenz gyoij, nyeliux gaen rumz bibi buengqbuengq. Rumz dingz lo, nyeliux duenghsoh mbouj doengh lo.

Dingj ranzcauq, diuz hoenzhau biu hwnjdaej, diuz hoenzhau geuj-letlet, menhmenh mbegvangq.....

Bangxdah, gyoengq bithau duz gaen duz cwxcaih youz dauqma.

Yawj ronghndit set ok youh myox bae, yawj nyeliux bibuengq youh duenghsoh, yawj hoenzhau geujlet youh mbegvangq, yawj gyoengq bithau cwxcaih youz dauqma..... Baihnaj gou

mizseiz myoxmyad, mizseiz ronghsag, mizseiz youh bienqbaenz laepcupcup; ndawhoz mizseiz saemjset, mizseiz haemzngamq, mizseiz youh bienqbaenz diemzsisi.....

Yaepyet nyexnaj yawj ranzlaux, mbouj rox seizlawz, ndaw ranzcauq daxmeh dawz aen daengyouz diemj rongh lo.

Mehlaux yienznaeuz hwet gungj baengh dwngx, hong, ndangdaej gig ndei, gyaeu baenz goucib bi lo, gig noix ndaej bingh. Mehlaux seiqvunz cungj gaenx, haet caeux haemh laep, cin ca ndaem cou ganj gvej, gwn haemz gwn hoj mbouj gyangz saek coenz gvaq. Gou.....

Daxmeh dawz aen daengyouz de diemj rongh lo, baihnaj gou hix gaen gij rongh daengyouz ronghsag hwnjdaej lo!



□ Faogb Swluuz/方仕伦

Vahgangjgonq: Youq Vanz-gyangh Mauznanzcuz Swciyen, lwgsau okhaq cungj miz naxsoengq buenxsoengq, naxsoengq miz geij boux roxnaeuz geijcib boux, naxsoengq yied lai cawjranz yied miznaj. Gwnhoih liux le, gyoengq naxsoengq guhdoih dauq ranz, youq byonghroen, gyoengq boux-mbauq couh daej lanz naxsoengq ciengq fwen.

Sai:Ngoenzneix fukfaenh ndei, Donhroen ndaej naxsoengq; Caez yietnaiq gyang doengh, Guh beij soengq hawj mwngz.

Ngoenzlwenz hwnj Hawngeih, Raen gaiqreih hemj(remj) feiz; Ngoenzneix fukfaenh ndei, Donhroen ndaej naxsoengq.

Naxsoengq gwn nohbiz, Naj haumbi dumhgyoengq;

Caez yietnaiq gyang doengh, Guh beij soengq hawj mwngz.

Mbwk: Ngamq gwn hoihlaeuj ma, Neix raennaj cix boih; Donhroen naj doxdoiq, Fwen gou noix gvaq mwngz.

Gwn laeuj bak cix haenq, Dawz vanj maenh fwngz gvaz; Ngamq gwn hoihlaeuj ma, Neix raennaj cix boih.

Geij duz roeggaeq haen, Duz rim gaen guhdoih; Donhroen naj doxdoiq, Beij gou noix gvaq mwngz.

Sai:Mwngz bae guh naxsoengq, Ndaej garoengq laex vanz; Ciengq beij youq cawjranz, Miz youxnamz rox mbouj.



Aen Hungzfunghuz Dwzbauj Vangz Hauyinz ingj

Guh buenx naj cix sang, Guh gyang najbyak ndongq; Mwngz bae guh naxsoengq, Ndaej garoengq laexvanz.

Mwngz nax singbeij rwenz, Naj maeq lwenq yiengh man; Ciengq beij youq cawjranz, Miz youxnamz rox mbouj.

Mbwk:Naxsoengq mbouj sou laex, Cawjranz eiq nanz dang(dangj); Ciengq beij miz bouxlangz,

Gou ngeix caengz baenz youx.

Boq deg vih guhcaemz, Rengx gonh daemz rwed reih; Naxsoengq mbouj sou laex, Cawjranz eiq nanz dangj.

Doq raen feiz cix gouq, Hangh raen boux cix bang; Ciengq beij miz bouxlangz, Gou ngeix caengz baenz youx.

(caengz sat)

De naeuz: “Dang’ yienz, haengj-heiq ceng aeu ndaej cunghyangh daemxbang, gajbienq aen cingzgvang gunghyez caeuq nungzyez doeklaeng vaiq di, neix dwg doiq bw, vwndiz dwg raeuz mbouj ndeindei daj cingzgvang saehsaed okdin, dawz gihbwnj hwnqguh anbaiz ndei, hawj hong gihgen rag ndaej raez lai, ciemqyungh lauzdungliz daiq lai, mbouj miz yauqik, youh git daengz hongnaz swnghcanj.”

Doiq gij loeng gaxgonq, Veiz Gozcingh mbouj mbouj hawj lingidauj baihgwnz dawz, hix mbouj hawj vunz lajfwngz dawz, vanzlij caenhrengz bang vunz lajfwngz rap cwzyin. De vanzlij faensik vihmaz deng loeng gig laeg, hix daj swhsiengj comzrom gij hit caeuq gingniemh haenx, daezsang gij yinsiz suijbingz vunzlai.

Doeklaeng, youq Cunghgung Cunghyangh bi 1962 co ciuhai Caet Cien Vunz Daihhoiz gyangde caeuq youq Swcigih Dangjveij ciuhai It Gaiq Cib’ it Mbat Cienzhohi gyangde, de youh guh genjdauj lo, romcomz gingniemh caeuq hit, ndaej daengz vunzlai lijgaij.

Doengzmwh, de ciuqriengz gij cijsi Cunghgung Cunghyangh, nyinh-caen doiq doengh boux ganbu

dangjyenz youq “dayozcin” seiz deng loeng cawjfaenh baebuenq haenx caz cingcuj le baen doih bingzfanj.

Bi 1959, Guengjsae youq fanjdouj “Yougingh” doxdaeuq ndawde, Gveilnz Diveij daih’ it suhgi Ciz Suilnz, suhgi Vangz Binhvuz deng loeng faen guh “Yougingh” gih-veicujyi fwswj. Doengzmwh, buek yinzminz gunghse ganbu ndeu aenvih gamj gangj vahcaen, ngeizcam

roxnaeuz fanjdouj “dayozcin”, hix deng baebuenq caeuq cawjfaenh. Swcigih Dangjveij youq bi 1961 ndwen 7 ciuhai It Gaiq Cib Mbat Cienzhohi, youq gyang hoih hawj Ciz Suilnz, Vangz Binhvuz ndaej bingzfanj lo. Doengzmwh, laebbaenz Swcigih Dangjveij Cawjleix Cinghcaz Lingidauj Siujcuj, youz Vuj Cinnanz dang cujcangj.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Doeklaeng, youq Cunghgung Cunghyangh bi 1962 co ciuhai Caet Cien Vunz Daihhoiz gyangde caeuq youq Swcigih Dangjveij ciuhai It Gaiq Cib’ it Mbat Cienzhohi gyangde, de youh guh genjdauj lo, romcomz gingniemh caeuq hit, ndaej daengz vunzlai lijgaij.

Doengzmwh, de ciuqriengz gij cijsi Cunghgung Cunghyangh, nyinh-caen doiq doengh boux ganbu

dangjyenz youq “dayozcin” seiz deng loeng cawjfaenh baebuenq haenx caz cingcuj le baen doih bingzfanj.

Bi 1959, Guengjsae youq fanjdouj “Yougingh” doxdaeuq ndawde, Gveilnz Diveij daih’ it suhgi Ciz Suilnz, suhgi Vangz Binhvuz deng loeng faen guh “Yougingh” gih-veicujyi fwswj. Doengzmwh, buek yinzminz gunghse ganbu ndeu aenvih gamj gangj vahcaen, ngeizcam

roxnaeuz fanjdouj “dayozcin”, hix deng baebuenq caeuq cawjfaenh. Swcigih Dangjveij youq bi 1961 ndwen 7 ciuhai It Gaiq Cib Mbat Cienzhohi, youq gyang hoih hawj Ciz Suilnz, Vangz Binhvuz ndaej bingzfanj lo. Doengzmwh, laebbaenz Swcigih Dangjveij Cawjleix Cinghcaz Lingidauj Siujcuj, youz Vuj Cinnanz dang cujcangj.

(caengz sat)